



XALQ DEPUTATLARI ANDIJON VILOYATI KENGASHINING Q A R O R I

2025-yil 18-fevral

VII-4-30-1-0-K/25

Andijon viloyati

Xalq deputatlari Andijon viloyati Kengashining qaroriga o'zgartirish va qo'shimchalar kiritish to'g'risida

O'zbekiston Respublikasi Prezidentining 2022-yil 30-dekabrda "Respublika hududlarini toifalarga ajratish va tadbirkorlikni qo'llab-quvvatlashning tabaqalashtirilgan tizimini joriy etish chora-tadbirlari to'g'risida"gi PF-287-sonli Farmoni ijrosini ta'minlash yuzasidan viloyat soliq boshqarmasining 2025-yil 13-yanvardagi 16-06295-sonli xatini inobatga olib, O'zbekiston Respublikasi Soliq kodeksining 412- va 429-moddalari hamda "Mahalliy davlat hokimiyati to'g'risida"gi Qonunning 6- va 24-moddalariga asosan xalq deputatlari viloyat Kengashi

QAROR QILADI:

1. O'zbekiston Respublikasi Prezidentining 2022-yil 30-dekabrda "Respublika hududlarini toifalarga ajratish va tadbirkorlikni qo'llab-quvvatlashning tabaqalashtirilgan tizimini joriy etish chora-tadbirlari to'g'risida"gi PF-287-sonli Farmonining 2-band, a-kichik bandi, uchinchi xat boshida 5-toifadagi tumanlarda ro'yxatdan o'tgan va shu hududlarda faoliyat yuritadigan tadbirkorlik subyektlari (yirik soliq to'lovchilar, doimiy muassasa, byudjet tashkiloti va davlat korxonasi, ustav jamg'armasi (kapitali)da davlat ulushi 50 foiz va undan ko'proq miqdorda bo'lgan yuridik shaxslar bundan mustasno) yuridik shaxslarning mol-mulkiga solinadigan soliq va yuridik shaxslardan olinadigan yer solig'ini mazkur soliqlar bo'yicha hisoblangan summaning 50 foizi miqdoridagi soliq stavkalari bo'yicha to'lashligi belgilanganligi ma'lumot uchun;

viloyat soliq boshqarmasining 2025-yil 13-yanvardagi 16-06295-sonli xati asos uchun qabul qilinsin.

2. Xalq deputatlari Andijon viloyati Kengashining 2024-yil 26-dekabrda "Andijon viloyatining 2025-yilgi mahalliy byudjetini tasdiqlash to'g'risida"gi VII-3-046-1-0-K/24-sonli qarori:

a) 8-ilovasining 6- hamda 10-bandlari quyidagi tahrirda bayon qilinsin:

6.	Bo'ston tumani	0,65	31 460 000
10.	Ulug'nor tumani	0,65	31 460 000

;

b) 10-ilovasining 4- hamda 8-bandlari quyidagi tahrirda bayon qilinsin:

4.	Bo'ston tumani	0,75	975 000
8.	Ulug'nor tumani	0,75	975 000

.

3. Xalq deputatlari Bo'ston hamda Ulug'nor tuman Kengashlari ushbu o'zgarishlardan kelib chiqib ilgari o'zlari qabul qilgan qarorlarni mazkur qarorga muvofiqlashtirish tavsiya etilsin.

4. Viloyat soliq boshqarmasi (L.Qurbonov) yuridik shaxslarning mol-mulkiga solinadigan soliq va yuridik shaxslardan olinadigan yer solig'i stavkalarini tegishli hududlardagi soliq to'lovchilarga yetkazilishini ta'minlasin.

5. Viloyat hokimining matbuot kotibi — axborot siyosati masalalari bo'yicha maslahatchisi R.Eshonov mazkur qaror rasmiy e'lon qilinishi munosabati bilan ommaviy axborot vositalari hamda WWW.andijan.uz veb saytiga joylashtirilishini ta'minlasin.

6. Mazkur qaror rasmiy e'lon qilingan kundan e'tiboran kuchga kiradi

7. Mazkur qaror bajarilishini nazorat qilish xalq deputatlari viloyat Kengashining Mahalliy byudjet, tadbirkorlikni rivojlantirish va iqtisodiy islohotlar masalalari doimiy komissiyasi (X.Omanov) hamda viloyat hokimining birinchi o'rinbosari D.Karimov zimmasiga yuklatilsin.

Kengash raisi



AXUNOV UKTAMJON
XXX